

30. november 2003

UKA 2003/139

**Inatsisartuni Naalakkersuisunilu il.il. ilaasortat aningaasarsiaqartitaanerat il.il.
pillugit Inatsisartut inatsisissaattut siunnersuut.**

pillugu

Inatsisartut Siulittaasoqarfiata

ISUMALIUTISSIISUTAA

siunnersuutip aappassaaneerpeqarnerani saqqummiunneqartoq

Inatsisartut Siulittaasoqarfiat suliarinninnermini ukuninnga inuttaqarpoq:

Inatsisartut Siulittaasuat Jonathan Motzfeldt, (S),
Inatsisartuni ilaasortaq Augusta Salling, siulittaasup tullia siulleq. (A)
Inatsisartuni ilaasortaq Aqqaluk Lynge, siulittaasup tulliata aappaa. (IA)
Inatsisartuni ilaasortaq Per Rosing-Petersen, siulittaasup tulliisa pingajuat. (S)
Inatsisartuni ilaasortaq Per Berthelsen, siulittaasup tulliisa sisamaat. (D)

Siunnersuutip imarisai.

Siunnersuummi Inatsisartuni ilaasortat Naalakkersuisunilu ilaasortat aningaasarsiaqarnerannut, soraannerussutisiaqarnerannut, aningaasartuuteqarnermut tapisiaannut, ineqarnerannut, angalanermi aningaasartuutaannut Inatsisartullu ataatsimiinnerinut ilaqtanit ingiallortarneqarnerannut tunngassutillit pineqarput.

Siunnersuutip suliarineqarnera.

Aningaasarsiaqartitaaneq pillugu inatsisissatut siunnersuummik nutaamik suliaqarnermini Siulit-taasoqarfiup maluginiarpaa siunnersuutip siullermeerneqarnerani partiit Siumup, Inuit Ataqatigiit Atassutillu makku isumaqatigiissutigaaat:

- Inatsisartuni sulineq ukiuni kingullerni ineriartorneq eqqarsaatigalugu piffissaq tamakkerlugu suliffittut, taamaattut aningaasarsiaqarfiusariaqartut, isigisariaqartoq,

- nunatsinni inuiaqatigiinni atuuffiit akisussaassuseqarfiusut allat isumagineqarnerannit Inatsisartuni sulineq aningaasaqarniarnikkut orniginannginnerunngitsut aningaasarsiaqarfiusariaqartoq,

- nunatta ataasiinnartut qinersiviunera eqqarsaatigalugu Inatsisartuni ilaasortat ukiut tamaasa Kalaallit Nunaanni paasisassarsiorlutik angalanissamut periarfissaqartitaanissaat isumagissallugu pisariaqartoq erseqqissoq,

- Inatsisartuni ilaasortatut atuuffimmik isumagininnermut atugassarititaasut inissamik innersuunneqarnissaq nuunnermilu aningaasartuutunik akiliunneqarnissaq eqqarsaatigalugit nunatsinni suliffeqarnermi atorfinitsitaanermut ileqqusut atugassarititaasunut aallaavittut sanilliunneqarsinnaasariaqartut,

- maannakkut siunissamilu Inatsisartuni Naalackersuisunilu ilaasortanut ullutsinnut naleqquttumik soraarnerussutisiaqartitsinermik aqqissuussinissaq pisariaqartoq,

- sulinermi immikkut atugassaritit Inatsisartunut atuuttut Inatsisartut ataatsimiinnerinut atatillugu Inatsisartuni ilaasortat katissimasatut aappaasa / katissimanagit inooqataasa meeraasalu 18-nit inorlugit ukiullit ukiumut ataasiarluni ingialluillutik Nuuliarsinnaanissaat pissutissaqartikkaat,

- Inatsisartuni ilaasortat aningaasartuuteqarnermut tapisiaat ukiumut kr. 50.000,-inik angissusilittut aalajangiusimaneqassasut, Inatsisartunili ilaasortatut atuuffimmut atatillugu uppernarsaatitalittut aningaasartuutitut atorineqanngippata akileraaruserneqassasut.

Taamaalilluni aningaasarsiaqartitaaneq pillugu inatsisissatut siunnersuummik nutaamik saqqummiussinermi immikkoortut pingaernerit siammasilluartumik isumaqatigiissutigineqartut Siulittaasoqarfiup maluginiarsimavaa.

Taamatut isumaqatigiinneq siunnersuummi § 1, imm. 5-mut tunngatillugu (nassuiaatini qupperneq 9) allannguutissatut siunnersuummik saqqummiussinissamut tunngavissaqalersitsivoq, taamaalilluni Inatsisartuni ilaasortat sinerissamiit Nuummut nuunnissamik kissaateqartut, Inatsisartunulluunniit qinersinermut atatillugu Nuummi inigisaminnik annaasaqartut, najukkamiit najukkamut nuunnermut atatillugu nunatsinni suliffeqarnermi maleruagassat nalinginnaasumik atuuttut assigalugit nuunnermut aningaasartuutiminnik akiliunneqartussaapput.

Apeqqutigineqarnikuvoq ilaasortat Nuummut nuunnissamik toqqaasut piffissaq qinigaaffik naappat nuuffigisaminniit uterlutik nuunnissaminnut qulakkeerunneqarnissamut periarfissaqartinneqarsinnaanersut. Kommunimut pineqartumut siusinnerusukkulluunniit sulisitsisorisimasamut pisuni taamaattuni inissamik innersuussinissaq qulakkeerteqqullugu peqqusinissaq Siulittaasoqarfiup imaaliinnarlugu periarfissaqartutut isiginngilaa. Taamaalilluni Inatsisartuni ilaasortap

Nuummut nuunnissamik toqqaasup nammineerluni qulakkeertussaavaa kommunimut pineqartumut sulisitsisumulluunniit isumaqatigiissuteqarnikkut inissamut innersuussamut uterluni nuunnissaq isumagissallugu.

Siunnersuutip siullermeerneqarnerani Inatsisartuni ilaasortaanermut aningaasarsiat, pisortani atorfinnit atuuffimmilu katillugit isertitat Inatsisartuni ilaasortaanermi aningaasarsianit aappaa qeqqanik angissusilimmik qaangerneqarpata millileriffigineqartarnissaat pillugu, siunnersuummi § 1, imm. 2-mi aalajangersagaq assigiinngitsunit arlalinnit apeqquuserneqarpoq. Ilaatigut aalaja-ngersagaq pisortani atorfillit inuussutissarsiutini namminersortunit pigineqartuni nammineerlutillu inuussutissarsiortuni atorfilinnut sanilliullugit assigiinngisinneqarnerannik nassataqartutut isigineqarpoq. Ilaatigullu aalajangersagaq siunertaanngitsutut Inatsisartuni ilaasortat sulisutut i-nuuneqarnerannut atorfinmilu qaffakkiartornissamik pilersaarusiornissaannut periarfissatigut killiliisussatut isigineqarpoq.

Inatsisartunut qinersinissaq sioqqullugu qinersisartut tusagassiorfiillu piffissami qinigaaffimmi pineqartoq Inatsisartuni sulinermik tamakkiisumik ingerlatsiniarnersoq imaluunniit suliffimmik atuuffigisamilluunniit allamik ingerlassiniarnersoq pillugu apeqquummut qinigassanngortittumut akititsiniaasinnaammata aalajangersagaq pinngitsuuinneqarsinnaasoq Siulittaasoqarfiup tunngavissaatippaa. Tamatuma kingorna qinersisartut taasinertik sumut inissinniarnarlugu nammineerlutik aalajangigassarissavaat.

Partiit katusseqatigiilluunniit ataasiakkaat nammineq Inatsisartunut qinigassanngortitamik Inatsisartuni sulinerup avataatigut kissaatiginangitsumik suliffeqarnissaasa atuuffimmilluunniit isumagisaqarnissaasa pinaveersimatinnissaanut tunngatillugu Inatsisartunut qinigassanngortinnermi piumasaqaasiornissartik sunniivigineqaratik nammineerlutik aalajangersagassarissagaat ilanngullugu oqaatigineqarpoq. Taamaalillugu saqqummiunneqarpoq siunnersuummi § 1, imm. 2-p atorunnaarsinneqarnissaanut allannguutissatut siunnersuut.

Naalackersuisuni ilaasortat suliassartik piffissaq tamaat atuuffittut isigisariaqartuarsimammassuk kiisalu akisussaaffik suliackersorneqarnerlu siornatigumut sanilliullugu allannguuteqarsiman-ngimmat Inuit Ataqaatigiit apeqqutigaat Naalackersuisuni ilaasortat aningaasarsiaasa qaffanneqarnissaat pissusissamisoortutut isigineqarsinnaanersoq,. Tassunga tunngatillugu Inuit Ataqaatigiinnit isummatut saqqummiunneqartut Siulittaasoqarfiup isumaqatigai. Taamatut isumaqatigiinneq pis-sutigalugu siunnersuummi § 6, imm. 1-imut tunngatillugu (nassuiaatini qupperneq 15) allannguutitut siunnersuummik saqqummiussisoqarpoq, taamaalilluni ukiumut aningaasarsiat akissaatit inissisimaffiat 38, skalatrin 51 tassungalu ilanngullugit tapisiat tamanut atuuttut angeqatigilissallugit. Inatsisissatut siunnersuummut sanilliullugu aningaasarsiat immikkoortuat taanna Naalackersuisuni ilaasortanut, taamatullu Inatsisartut Siulittaasuannut Naalackersuisullu Siulittaasuannut tunngasoq kr. 388.085-imiit kr. 358.501-imut ukiumut millineqassaaq.

Kalaallit Nunaanni paasisassarsiorluni angalasarnerit ingerlanneqartarnernut aningaasartuutigineqartartut pillugit maannamut misilittakkat pisariaqartilerpaat paasisassarsiorluni ukiumut angalasarnernut aningaasatigut killissarititat siunnersuutip § 3, imm. 4-ni taaneqartut kr. 30.000-iniit kr. 50.000-inut qaffanneqartariaqartut. Taamaalilluni tamatumunnga tunngasumik allan-nguutissatut siunnersuuteqartoqarpoq. Allanguutissatut siunnersuutip kingunerissavaa kr. 600.000-inik ukiumut aningaasartuuteqarnerulerneq.

Inatsisartuni ilaasortamut sinniisussaq, Inatsisartuni ilaasortamut taartaalluni piffissami killiligaanngitsumi ivertinneqartoq, Inatsisartuni ilaasortatulli paasisassarsiorluni angalanissamik taassumatulli pisariaqartitsisussaavoq. Taamaammat Inatsisartuni ilaasortamut sinniisussaq piffissami kil-liligaanngitsumi Inatsisartuni ilaasortamut taartaasoq Inatsisartuni ilaasortap pineqartup paasisassarsiorluni angalasinnaatitaaneranik atuisinnaatitaalisssaaq. Tassa imaappoq, Inatsisartuni ilaasortamut aningaasanut killiliussat iluini aningaasat atorneqanngitsut Inatsisartuni sinniisussamut nuunneqassasut. Sulinngiffeqarneq naappat aningaasanut killiliussatut taaneqartut iluanni aningaasanik sinneqartoqarsimassappat Inatsisartuni ilaasortaq paasisassarsiorluni angalasinnaatitaaqqilissaaq.

Siulittaasoqarfiup inassuteqaatai.

Siulittaasoqarfiimmi amerlanerussuteqartut Siumumeersut, Inuit Ataqatigiinneersut Atassummeersullu siunnersuut akuersissutigineqassasoq inassutigaat, pingajussaaneerinninnissamulli isumaliutissiissummut matumunnga naapertuuttumik allanguutissatut siunnersuummik saqqummiussiniarlutik.

Siulittaasoqarfiimmi ikinnerussuteqartut Demokraatineersut isumaqarput Inatsisartuni Naalakkersuisunilu ilaasortat aningaasarsiaasa soraarnerussutisiaasalu pitsaangoriaatissaat nunatta aningaasaqarniarnerata pitsaannginnera eqqarsaatigalugu piffissami tulluangitsukkut pisoq. Taamaammat siunnersuut ikinnerussuteqartut tapersersinnaanngilaat.

Jonathan Motzfeldt,
Siulittaasoq

Augusta Salling

Aqqaluk Lynge

Per Rosing-Petersen

Per Berthelsen